

四鎮三關志
六

四鎮三關誌卷之六

經畧考

四鎮經畧總論

效祖曰。古昔帝王。適修內治。而尤篤意外防。然必用文武兼資。如尚父之膺揚。方叔之壯猷。以垂經久之業。今載之布候。為胠篋所推轂者。不章章曰。益多乎。詩曰。載戢于戈。載櫜弓矢。我求懿德。肆於時夏。允王保之。夫不求偏裝部曲。長棘勁鍛。而顧欲得純懿之臣。誠以得其人。則訂謀展采。無不翕然並舉。此古今不易之定論也。黃虞母論。今自成

周以後凡事闕幽異者訟其崖畧而鞭弭索綯寧
獨詳焉作經畧考

薊鎮經畧

前紀

周惠王十四年山戎來侵齊桓公救燕遂北伐山戎

按齊桓公伐山戎還燕莊公送齊桓公出境桓公因割燕所至地予燕使燕共貢天子如周成時職

修召法之法

秦王政二十一年拔薊燕王走遼東斬太子丹以獻

於秦

三十二年巡北邊遣將軍蒙恬伐匈奴

始皇之碣石使廬生求羨門子高還奏得籙圖書曰亡秦者胡也始皇乃巡北邊遣將軍蒙恬發兵

三十萬人北伐

852

三十三年蒙恬築長城。

蒙恬斥逐匈奴築長城起臨洮至遼東延袤萬餘里十餘年恬常居上郡統治之。

漢孝文帝十一年募民徙塞下。

晁錯言曰胡人衣食之業不著于地其勢易以擾亂邊境往來轉徙時至時去此胡人之生業而中國之所以離南晦也今胡人數轉牧行獵于塞下以候備寨之卒卒少則入不久則邊民絕望而降敵救之纔到則胡人已去聚而不罷為費甚大罷之則胡復入如此連年中國貧苦而民不安矣陛下幸憂邊境發卒治塞甚大惠也然令遠方之家守塞一歲而更不知胡人之能不如選常居者家室田作且以備之以便為之高城深塹要害之處調立城邑毋下千家先為室屋具田器乃募民免罪敗爵復其家與冬夏衣廩食能自給而止胡人入驅而能久其所所以驅者以其半予之縣官為贖其民如是則邑里相救取赴胡不避死其與東方之戍卒不習地勢而心畏胡者功相萬也上從其

更始二年春正月大司馬秀北徇幽薊以耿弇為

長史

上谷太守耿况遣其子弇詣長安聞大司馬秀在盧奴乃馳北上謁秀留署長史與俱比去至薊令功曹王霸遣人擊王郎皆擲榆之慙愧而反秀將南歸弇曰今兵從南方來不可南行漁陽太守彭寵公邑人上谷太守即弇父也發此兩郡控弦萬騎雖鄆不足慮也秀官屬皆曰死尚南首柰何北行入囊中秀指弇曰此北道主人也

耿弇以上谷漁陽兵行定郡縣會大司馬秀于廣阿秀以其將寇恂吳漢等為將軍夏四月進拔邯鄲

斬王郎

日真...

...

...

...

薊中之亂耿弇與大司馬秀相失北走昌平說其
父曰况擊邯鄲時王郎將兵徇漁谷北州多欲從
之况遣恂約彭寵寵吏吳漢蓋延王梁亦勸從秀
會恂至乃發步騎三千人以漢延梁將之攻薊殺
王郎將趙闔恂還與長史景丹及弇將兵俱南與
漁陽軍所過擊斬王郎大將已下三萬級定涿郡
中山鉅鹿清河河間凡二十二縣前及廣阿聞城
中車騎甚衆丹問何兵曰大司馬劉公也諸將喜
即進城下秀自登城問之弇拜於城下秀乃悉召
入笑以丹等皆爲偏將加况寵大將軍封列侯進
軍邯鄲連戰破之五月拔邯鄲郎走追斬之牧郎
文書得交關謗毀者秀燒之曰令反側子自安秀
部分吏卒皆言願屬大樹將軍大樹將軍者馮異
也爲人謙退不伐救吏士非交戰受敵常行諸營
之後每所止舍諸將並論功異常屏樹下故軍中
號曰大樹將軍

光武建武元年蕭王擊尤來大槍五幡敗之

王擊諸部連破之乘勝輕進反爲所敗歸保范陽
軍中不見王諸將不知所去吳漢曰卿曹努力王

凡子在南何憂無主衆乃定陳俊曰賊無輜重若絕其食可不戰而殄也王遣俊將輕騎馳出城前視人堡壁堅完者敕令固守放散在野者因掠取之賊至無所得遂散敗

二年遣將軍鄧隆討彭寵不克

帝遣鄧隆助宋浮討彭寵隆軍潞南浮軍雍奴遣吏奏狀帝曰營相去百里其勢不相及比若還北軍必敗矣寵果遣輕兵擊隆軍大破之浮不能救

十五年遣馬成繕治障塞以張堪為漁陽太守

驃騎大將軍杜茂坐使軍吏殺人免揚武將軍馬成代茂繕治障塞十里一猴以備匈奴使騎都尉張堪領杜茂營擊破匈奴於高柳拜堪漁陽太守堪視事八年匈奴不敢犯塞勸民耕種以致殷富

順帝永建三年秋九月鮮卑寇漁陽

陽嘉二年鮮卑寇馬城

靈帝熹平四年鮮卑寇幽州

初朝議以州郡相黨人情比周乃知婚姻之家及
兩州人事不得對相監臨至是復有三互法禁忌
轉密選用艱難幽冀二州久缺不補蔡邕上疏曰
伏見幽冀舊壞鎧馬所出比年兵飢漸至空耗今
者缺職經時吏民延屬而三府選舉云避三互十
一州有禁當取二州而已又二州之士或復限以
歲月狝疑遲滯兩州縣空萬里蕭條無所管繫昔
韓安國起自徙中朱買臣出于幽賤並以才宜還
守本邦豈復顧循三互繫以未制乎臣願蠲除近
禁其諸州刺史器用可換者無拘日月三互以差
不從

五年鮮卑寇幽州

六年鮮卑寇遼西太守趙苞破之

苞到官迎母道經柳城值鮮卑人入塞質苞母載
以擊郡苞見母悲號謂曰為子欲以微祿奉養朝

夕不圖為母作禍今為王臣義不得顧私恩唯當
萬死母遙謂曰人各有命何得相顧以虧忠義爾
且勉之苞即時進戰賊悉摧破其母為賊所害苞
歸葬訖謂鄉人曰食祿而避難非忠也殺母以全
義非孝也如是有何面目
立於天下遂嘔血而死

光和二二年鮮卑寇幽州

中平二二年鮮卑寇幽并

四年漁陽張舉張純反

故中山相張純與故泰山太守張舉及烏桓大人
丘力居等連盟結約薊中殺校尉太守衆至十餘
萬屯肥如舉稱天子純稱彌天將軍
移書州郡告天子避位敕公卿奉迎

五年遣騎都尉公孫瓚討漁陽賊走之

六年三月劉虞討漁陽賊斬張純餘降散

劉虞到部遣使至鮮卑中告以利害責使送張舉張純首厚加購賞丘力居等聞虞至喜各遣譯自歸虞罷諸屯兵但留公孫瓚將萬人屯右北平三月純客殺純送首於虞瓚志欲害烏桓而虞欲以恩信招降由是有隙

獻帝興平二年劉虞故吏鮮于輔迎虞子和攻公

孫瓚破之

公孫瓚既殺劉虞盡有幽州虞從事鮮于輔等以燕國閭柔素有恩信推為烏桓司馬招誘胡漢數萬人烏桓峭王亦率數種人及鮮卑七千餘騎隨輔南迎虞子和與袁紹將趙義合兵十萬破瓚於鮑丘斬首三萬餘級先是有童謠曰燕南垂趙北際中央不合大如礪唯有此中可避世瓚自謂易地當之遂徙鎮易為圍塹十重築高十丈為樓其上以鐵為門希復攻戰或問其故瓚曰兵法百樓不攻今吾諸營樓櫓數十重種穀三百萬斛食盡此穀足以待天下之事矣

建安三年袁紹攻公孫瓚圍之

袁紹連年攻公孫瓚不克欲與釋憾連和瓚不答而增脩守備紹於是大興兵以攻瓚先是瓚別將有為敵所圍者瓚不救曰救一人者使後將恃救不肯力戰及紹來攻瓚南界別營知不見救或降或潰紹軍徑至其門瓚眾日蹙

十一年烏桓寇邊

烏桓乘天下亂畧有漢民十餘萬戶蹋頓尤疆為袁紹所厚故袁尚兄弟歸之數入塞為寇欲助尚復故也曹操將擊之先鑿平虜泉州渠以通運

十二年夏操擊烏桓秋八月破之斬蹋頓袁熙袁尚奔遼東公孫康斬之

曹操將擊烏桓行至易嘉曰兵貴神速今千里襲人輜重多難以趨利不如輕兵兼道以出掩其不

意初袁紹數遣使召田疇疇皆拒之然每念烏桓
多殺本郡寇蓋討之未能至是操遣使辟疇即至
隨軍次無終時方夏海濱滯滯虜亦遮守蹊要軍
不得進疇曰舊北平郡治在平岡道出盧龍達于
柳城自建武以來陷壞斷絕尚有微徑若回軍從
盧龍口越白檀之險路近而便操今疇將其衆爲
鄉導上徐無山塹山堙谷五百餘里操登狼山卒
與虜過縱兵擊之虜衆大崩斬蹋頓降者二千餘
萬尚熙
奔遼東

後漢昭烈帝章武元年魏置護鮮卑烏桓校尉

初魏太祖既克蹋頓烏桓浸衰鮮卑大人軻比能
素利彌加等因求通市太祖皆表以爲王軻比能
本小種以勇健廉平爲衆所服威制餘部時自雲
中五原東抵遼水皆爲鮮卑庭分地統御軻比能
近塞中國叛人多歸之素利等在塞外道遠故不
爲邊患魏主不以招牽爲護鮮卑校尉田疇爲護
烏桓校尉
使鎮撫之

晉武帝太康二年冬十月鮮卑慕容涉歸寇昌黎

初鮮卑莫獲跋始自塞外入居遼西棘城之北據

慕容部至孫涉歸遷遼東之北世附中國從征討

拜大單于至是始叛寇昌黎自漢魏以來羗胡鮮

卑降者多處之塞內數為患侍御史郭欽上疏曰

戎狄歷古為患魏初西北諸郡皆為戎居若百年

後有風塵之警胡騎自平陽上黨不三日而至孟

津北地西河太原馮翊安定上黨盡為狄庭矣宜

及平吳之威漸徙內郡雜胡為邊地此萬世長策

也
不聽

武帝時監幽州諸軍事烏桓校尉唐彬開斥舊境

復築秦長城塞分兵屯守

時築塞自溫城至于碣

石綿亘山谷三千餘里

六年冬慕容廆寇遼西

初慕容涉歸卒弟刪篡立為其下所殺迎涉歸子
廙立之涉歸與宇文部有隙廙請討之朝廷弗許
廙怒入寇遼西殺畧
甚衆自是每歲犯邊

咸康四年春趙王虎燕王皝合兵攻段氏破之虎

拔令支悉取其地

趙王虎擊段遼使桃豹等將舟師出漂渝津支雄
等帥步騎為前鋒燕王皝引兵攻掠令支以北段
遼將追之慕容翰曰今趙兵在南更共燕鬪萬一
失利何以禦南敵乎段蘭怒曰吾前為卿所誤今
不復墮卿計中矣乃悉衆追之皝設伏邀擊大破
之虎進屯金臺支雄長驅入薊遼所署守相皆降
北平相陽裕登燕山以自固諸將欲攻之虎曰裕
耻迎降耳無能為也遂過徐無遼不敢復戰棄令
支奔密雲山慕容翰奔宇文氏虎入令支宮徙于
萬餘戶於司雍充豫四州陽裕詣軍門降

十二月趙遣兵迎段遼燕慕容恪擊敗之以遼歸

殺之

段遼自密雲山遣使求迎於趙既而中悔復遣使于燕趙王虎遣麻秋帥眾迎之燕王皝亦自將迎遼遼密與燕謀皝遣恪伏騎大敗秋兵獲其司馬陽裕盡得遼眾待遼以上賓之禮以裕為郎中令久之遼謀反皝斬之

六年冬趙大發兵以伐燕燕人襲之入趙高陽趙

歸還

趙王虎合兵五十萬具船萬艘自河通海運穀萬斛于樂安城徙遼西北漁陽萬餘戶于堯豫雍洛自幽州以東至白狼大興屯田括取民馬得四萬餘匹大閱於宛陽欲以擊燕燕王皝曰虎自以樂安城防守重復薊城南北必不設備今若詭路出其不意可盡破也遂帥諸軍入自罽鞞塞直抵薊城破武遂津入高陽所至焚燒積聚畧三萬餘家而去趙兵乃還